



Verwysing: 20180912-6292  
Lêerno.: 12/12/41/1  
Navrae: Verwys na paragraaf 7

Omsendbrief: 0035/2018  
Vervaldatum: 31 Maart 2020

Aan: Adjunk-direkteurs-generaal, Hoofdirekteure, Direkteure, Kringbestuurders, Hoofde: Bestuur en Beheer, Adjunk-hoofonderwyskundiges, Adjunk-direkteure by distrikskantore, Hoofde van preprimêre skole en onafhanklike VKO-skole, en Prinsipale van gewone openbare skole met graad R-klasse

Kort opsomming: *Inligting vir alle rolspelers oor toepaslike aansoekprosedures vir vroeë-kindontwikkeling (VKO)-subsidie en ander sake.*

**Onderwerp: Graad R-subsidies en ander VKO-verwante sake soos vir 01 April 2019**

**1. Graad R-toewysing**

**1.1 Toegang tot inligting**

Die norme en standaarde (N&S)-toewysings vir graad R vir die boekjaar wat strek vanaf 01 April 2019 tot 31 Maart 2020 is op SOBIS beskikbaar. Toegang daartoe kan soos volg verkry word:

- Teken aan op SOBIS.
- Klik op "Proceed" en kies dan die "Administration"-opsie op die kieslys en klik op "Norms and Standards Allocation" en kies "N&S 2019".
- Druk die bladsy.

Let op die volgende:

Toewysings word bereken volgens die Nasionale Norme en Standaard vir graad R-befondsing, soos gewysig in *Staatskoerant* No. 29179 van 31 Augustus 2006.

Die toewysingsbrief sluit 'n gedetailleerde uiteensetting van die geprojekteerde toewysing vir die 2019/20-boekjaar in, asook voorlopige toewysings vir die volgende twee boekjare, nl. 2020/21 en 2021/22.

Alle toewysings is op grond van SOBIS se leerdertalle bereken.

## 1.2 Berekening van graad R-toewysing

Goedkeuring is verleen om vanaf 01 April 2019 'n subsidie vir leerders in die volgende ouderdomsgroepe (soos in 2019) in goedgekeurde klasse by gewone openbare skole, geregistreerde VKO-sentrums en onafhanklike sentrums te betaal:

- (a) Leerders wat 5 word voor 30 Junie
- (b) Leerders wat 5 is en 6 word
- (c) Leerders wat 6 is en 7 word (met vryskelding van verpligte skoolbywoning)

### 1.2.1 Gewone openbare skole (alle staatsbeheerde skole wat graad R aanbied):

Subsidie per kapita:

<b>Nasionale Kwintiel (NK)</b>	<b>Skoolgeldstatus van die inrigting</b>	<b>Bedrag betaalbaar per leerder per dag</b>
NK1–NK5	Geen skoolgeld	R 28
NK4	Skoolgeld	R 21
NK5	Skoolgeld	R 20

Toewysing vir Leer- en onderrigondersteuningsmateriaal (LOOM):

Vir geenskoolgeldskole is 'n bedrag van R2 237 per maand betaalbaar vir elke klas wat deur 'n WKOD-betaalde onderwyser/praktisyn onderrig word.

Minimum toewysing:

Alle skole met minder as 25 leerders is daarop geregtig om 'n minimum subsidie van R137 796 per jaar te ontvang, en skole met minder as 10 leerders sal 'n bedrag van R124 374 per jaar ontvang.

### 1.2.2 Openbare preprimêre skole:

Elke openbare preprimêre skool sal slegs 'n N&S-toewysing van R20 per leerder per dag ontvang.

### 1.2.3 Onafhanklike sentrums (alle privaat beheerde skole wat graad R aanbied):

Subsidie per kapita:

<b>Skoolgeldstatus van die inrigting</b>	<b>Bedrag betaalbaar per leerder per dag</b>
Geen skoolgeld	R28
Skoolgeld	R20

## 2. **Graad-R-subsidie-eise-en betaling**

2.1 Dit is belangrik om daarop te let dat:

- alle graad R-leerders op SOBIS vasgelê/geregistreer moet wees;
- elke graad R-leerder by 'n graad R-klas ingedeel moet wees; en
- 'n graad R-onderwyser/praktisyn by elke graad R-klas ingedeel moet wees.

Eers nadat die bovermelde gedoen is, kan 'n graad-R-subsidie-eis vir betaling ingedien word.

2.2 As 'n deurlopende proses, moet graad R-subsidie-eise op die volgende manier via SOBIS deur skole/sentrums ingedien word:

- Teken aan op SOBIS.
- Klik op "Proceed" en kies dan die "Administration"-opsie op die kieslys en klik op "Gr R Subsidy".
- Kies "Submit Application".

Voltooi asseblief die toepaslike velde soos vereis en druk die skool se subsidie-eisvorm vir rekorddoeleindes nadat die eis ingedien is. Die skool se subsidie-eis sal elektronies by die toepaslike distrikskantoor ingedien word. Geen verdere optrede sal van die skool verlang word nie.

Verwys asseblief na die *Grade R Subsidy Claim Application System User Manual* vir gedetailleerde stapsgewyse leiding oor hoe om 'n subsidie-eis suksesvol in te dien.

'n Totale getal van 200 dae per akademiese jaar sal gebruik word by die berekening van die subsidie, waarvan 50% van die toewysing in die April-gedeelte en die oorblywende 50% in die Oktober-gedeelte betaal sal word.

## 2.3 Tydsraamwerke

### Datums vir die 2019-proses:

#### April-gedeelte (Kwartaal 2 en 3 van die 2019 skooljaar)

Datum	Aksie
04 Maart 2019	SOBIS oop vir die indien van eise
15 Maart 2019	Finale datum vir skole/sentrums om eise in te dien  <b>Let wel:</b> Eise kan nie ná hierdie datum vir betaling ingedien word nie
12 April 2019	Distrikskantore finaliseer aanbeveling- en goedkeuringsprosesse op EduInfoSearch en teken af op elke eis
15 Mei 2019	Finale datum vir subsidiebetalings aan skole/sentrums

#### Oktober-gedeelte (Kwartaal 4 van die 2019 skooljaar en Kwartaal 1 van die 2020 skooljaar)

Datum	Aksie
02 September 2019	SOBIS oop vir die indien van eise
13 September 2019	Finale datum vir skole/sentrums om eise in te dien  <b>Let wel:</b> Eise kan nie ná hierdie datum vir betaling ingedien word nie
11 Oktober 2019	Distrikskantore finaliseer aanbeveling- en goedkeuringsprosesse op EduInfoSearch en teken af op elke eis
15 November 2019	Finale datum vir subsidiebetalings aan skole/sentrums

## 2.4 Vordering van eis

Die vordering van die skool se eis kan soos volg op SOBIS nagespoor word:

- Teken aan op SOBIS.
- Klik op "Proceed" en kies dan die "Administration"-opsie op die kieslys en klik op "Gr R Subsidy".
- Kies "Claim status".

## 3. Geenskoolgeldskole wat graad R aanbied

Geenskoolgeldskole wat graad R-befondsing van die staat ontvang, mag nie skoolgeld van graad R-leerders vra nie (sien *National Financial Management Guidelines in Respect of Schools Offering Grade R Classes*, Oktober 2009, bladsy 4).

Ouers kan versoek word om vrywillige bydraes te maak. Hierdie bydraes is nie verpligtend nie en mag nie gebruik word om leerders uit te sluit omdat hul ouers nie sodanige bydraes maak nie.

#### 4. **Gebruik van graad R-toewysing**

##### 4.1 **Salaris van die graad R-onderwyser/praktisyn**

Skole word daaraan herinner dat graad R-onderwysers/praktisyns by alle skole die volle 80% van die subsidietoekenning wat twee keer per jaar oorgeplaas word, moet ontvang.

Beheerliggame van NK4- en NK5-skole moet die graad R-onderwyser/praktisyn se salaris vermeerder sodat die onderwyser/praktisyn 'n bedrag wat meer is as die minimum van R9 246 per maand ontvang.

Graad R-onderwysers/praktisyns by geenskoolgeldskole is geregtig op die volle 80% van die subsidie.

##### 4.2 **Leer- en onderrigondersteuningsmateriaal (LOOM)**

Tien persent (10%) van die subsidie is vir LOOM toegewys, insluitend binnenshuise en buitenshuise LOOM tot voordeel van graad R-leerders.

##### 4.3 **Bedryfskoste**

Die ander tien persent (10%) van die subsidie is toegewys aan die betaling van die skool se diensterekeninge, soos telefoonrekeninge, water- en elektrisiteitsrekeninge, kopiëring en drukwerk, skoonmaakdienste vir en instandhouding van die graad R-klaskamer(s), en enige ander dienste wat deur graad R-onderwysers/praktisyns verlang word.

#### 5. **Rapporteringsvereistes**

Soos deur die distrikskantore gekommunikeer is, moet normale rapporteringsvereistes nagekom word om die volgende subsidiebetaling te bewerkstellig.

#### 6. **Finale toewysingsbrief**

Die finale toewysingsbriewe (gebaseer op die 2019 kitsopnameleerdertalle) sal teen 15 Maart 2019 op SOBIS gepubliseer word.

7. **Kontaknommers vir navrae**

<b>Vak</b>	<b>Naam</b>	<b>Telefoonno.</b>
N&S-toewysings, plaas betalings oor aan skole en ander graad R-subsidieverwante navrae	Kontak die toepaslike VKO-bestuurder op distriksvlak	Toepaslike distrikskantoor
SOBIS-verwante navrae	Kontak die toepaslike SOBIS-administrateur op distriksvlak	Die SOBIS-ondersteuningskontaknommer kan onder die "CEMIS Support"-opsie op die kieslys verkry word

**GETEKEN:** BK SCHREUDER

**HOOF: ONDERWYS**

**DATUM:** 2018-09-28